


*Biechanowski Stanisław Jos. Sacerdos theologicus boni-  
genitatis et misericordiae divinae meritis distans.*





Biblioteka Jagiellońska



stdr0002754



27  
F A V V S  
T H E O L O G I C V S

Benignitatis, & misericordiæ Diuinæ nectar dulcissimum, ex  
ineffabili Dominicæ Incarnationis Myfterio

D I S T I L L A N S,

Q V E M

In ore disertissimo,

*Clarissimi, & Admodum Reuerendi Domini,*

M. NICOLAI SVLIKOWSKI,

Collegæ Maioris, Sacræ Theologiæ Sententiarij, Ecclesiæ  
Collegiæ S. FLORIANI Canonici, Contubernij ZIZYNIANI Prouisoris,

D V M

Sub Felicissimis Auspicijs,

*Magnifici, Clarissimi, & Excellentissimi Domini,*

D.M. FRANCISCI ROLINSKI,

Philosophiæ, & Medicinæ Doctoris, & Professoris, eiusdemq;  
Clarissimæ Facultatis Decani, Consulis Crac: Almæ Vni-  
uersitatis Crac: studij Generalis, R E C T O R I S  
Vigilantissimi,

Auspicatissimo omine, Magistri Sententiarum tractatum de Incarnatione aggres-  
surus, Quæstionem Theologicam, de merito effectu gratiæ cooperantis,  
publicæ disputationi proponeret,

Applaudens Musa,

M. STANISLAI, IOSEPHI BIEZANOWSKI Leopold.

*Philosophiæ in Almâ Academiâ Cracouiensi Doctoris,*

C O N S P E X I T,

E T

Cum votiuo Applausu, debitiq; cultûs contestatione,  
luci publicæ

C O N S E C R A V I T

Anno Domini MDCLVIII. Die 17. Mensis Iunij.

C R A C O V I Æ.

Apud Viduam Lucæ Kupisz, S. R. M. Typogr. 1658.





Clarissime, & Admodum Reuerende Domine,  
Sacrae Theologiae Sententiarie.



*N*ter auspiciatissima altioris in Sacra Theologica facultate Professio-  
nis Tua initia, formosissimo hoc anni tempore, laboriosas solertissi-  
marum apum, ex odoratis flosculis collectas sisto Tibi primitias; The-  
ologicum nempe Sacri mellificij fauum. Attonuit credo nonnihil ac-  
curratam grauissimi Iudicij TVI censuram, insolita hac exigui,  
planeq; villani muneris oblatio, & quid sibi velit in Amplissimo hoc Eruditorum Vi-  
rorum confessu, simplex istud odorata dulcedinis condimentum, eâ, quâ polles, excel-  
lentis ingenij TVI, præstantiâ, vt inquiris. At non diu laborandum TIBI erit in animi  
mei proposito penitus investigando. Patent candida Academicorum pectora, nec est  
in eis, quod Meridianâ Diogenis lucernâ scrutetur. Nam si nouam istam, in Sacra  
Theologica Facultate dignitatis TVÆ accessionem perpendas, inuenies profecto,  
nihil conuenientius ineffabili Dominica Incarnationis mysterio, (quod TV ex Magi-  
stro Sententiarum publicè pertractandum suscipis) attribui posse, quam fauum, be-  
nignitatis, & misericordia Diuina nectar dulcissimum distillantem; cum nullum sit  
aliud fidei nostra mysterium, quod nobis maiores immensa bonitatis diuina diuitias  
pariter ostendat, atq; delicias, clamante ipsâ Patris aeterni sapientiâ: Deliciæ meæ  
esse cum filiis hominum; nullum quod nos magis ad amandum inuisibilem DEVM,  
visibili carnis nostra conformitate alliciat; quodq; magis fauo, vniuersæ dulcedinis  
compendio possit comparari. At nec disertissimi oris TVI dulcedo, quidquam aliud sibi  
præter fauum, Suada symbolon aptissimum, postulare videbatur. Quid enim facun-  
dissimo eloquio TVO cultius? quid ad persuadendum efficacius? ad permoendum  
vehementius, ad lucrandas DEO animas felicius? Sensit hoc, & approbavit post  
NOVODVORSCIANAM, & Ordinariam Eloquentiæ Palestam, TILICIANÆ  
quoq; Professionis Nobilissima Cathedra, & post eam Regia Cathedralis Ecclesiæ  
Cracouiensis Basilica, cum alijs Florentissima huius Urbis Sacrarum Aedium Ca-  
thedrâs, quas TV non pacato tantum; sed etiam difficillimo Reipublica, Urbisque  
huius tempore, summâ cum laude, populique Christiani insigni emolumento feli-  
cissimè adornasti, & hucusque indefesso labore, salutisque animarum zelo, arden-  
tissimo adornare non desistis; præter tot doctissimi calami TVI aurea monumenta  
Typis vulgata, victuraque Posterorum memoriæ consecrata. Ad extremum, si of-  
ferentis quoque conditionem, personamque respicias, à Roxolano, TIBI Roxola-  
norum Amantissimo, & eiusdem soli lectissimo surculo, fauum omnino deberi  
recognosces; cum Russiam nostram, terram promissionis, lacte & melle fluentem,  
dudum iam vox communis appellauerit; nisi dulcedo in afflictionem versa, ma-  
gnitudinem pristinae felicitatis corrupisset. Omni itaque ex parte, omnique iure,  
fauus hic, Clarissime, & Admodum Reuerende Domine, TVVS est, Tibiq; omnino de-  
bitus, quem Tibi cum votiua cælestis gratiæ, & diuturna felicitatis comprecatione  
submisce offero; in quo si quid à Musis meis, non iuxta omnem dulcedinis rationem  
elaboratum est, humanitatis, & beneuolentiæ Tux Paternæ dulcedo suppleat, me  
interim pro Tuâ, Sacraq; Facultatis Theologica felicissimis Incrementis DEVM  
Opt. Max. immensa dulcedinis Oceanum, suppliciter  
exorante.



# FAVVS THEOLOGICVS.

Fauus distillans labia Tua. *Cant. 4.*

Ode Tric. Tetrastr.

**F** Allornè Vates? mellifluos ego  
Apum labores, cerno liquentibus  
Manare riujs, per sacrata  
Theologos apices cathedræ.  
Non sola vidit dulciloquos verus  
Ætas Platones, mella tenerrimis  
Gestâsse labris, & iocantes  
Cis puerum volitare turmas  
Aculeatæ militiæ Duces,  
Sedemque casti nectaris auream  
Infantis elegisse, linguam  
Et liquidis violâsse pennis.  
En delicatos parturijs quoque  
In ore fontes, mellaque roscidis  
Illata nimbis, desinentis  
Canities, seniumque mundi,  
Gratos volantùm nùm sitientibus  
Apum susurros negligis auribus  
Haurire? stillantesque guttas  
Ambrosiæ SVLIKOVIANÆ  
Negas ocellis Musâ sagacibus  
Spectare? Sacras tolle per exedras  
Internæ acumen claritatis;  
Cerne Theologico Magister  
Sententiarum culmine mellei  
Vt oris ingens delictum ferat!  
Vt eloquenti Quæstionum  
Difficiles referando nexus  
Suadâ triumphet! dùm MERITI Sacrum  
Narrat valorem, donaque gratiæ,  
Piosque sudores recenlet,  
Et pretium stupet eminentis  
Virtutis ingens, seque reconditis  
Sententiarum, (more sacro Patrum)  
Parat fodinis, quas diserto  
Per Cathedras referabit ore.  
Pro! quantus altæ, quam sapiens breui  
Magister artis! quando facerrimos  
Recludet INCARNATIONIS,  
Iudicio grauiore fontes,

Secre.



Secretiorium sensaque mystica,  
 Dulcesque succos pandere dogmatum,  
 Benigniores auiterni  
 Incipietque fauos amoris,  
 Summiq̃ue carnis sub fragili casâ  
 VERBI latentis, nota recentibus  
 Mirâcla sacris, proferetq̃ue  
 Virgineos sine labe partus.  
 Quid? an per altæ pulpita Cracidos,  
 Ad Busta Regum, Vaulei iugi,  
 Laresq̃ue Sacratos, Periclis  
 Sæpius id docuisse ritu  
 TE non frequenti vidimus agmine?  
 O Cathedrarum delictum! ô piæ  
 Plebis SVLIKOVI voluptas!  
 O Latia Cynosura suadæ!  
 Tu literatæ post geminos fophus  
 Laurûs honores, grande recluseras  
 Conclauē pubi TVLLIANVM,  
 Lechiadûm generosâ tellus,  
 Quam fudit Orbi; seû Tibi pulpita  
 Domûs minoris, seû Tibi maximæ  
 Domûs, senectutis columnæ  
 Crediderant sua rostra Patres.  
 TE penna sacris docta sequentibus  
 Narrabit, alti quæ solij decus,  
 Sceptrumq̃ue Reginale seris,  
 Totq̃ue alios venientis aui  
 Suadæ labores temporibus dedit;  
 Quorum suânes nunc Theologicum  
 Tibi cacumen parturit iam  
 Solstitio properante fructus.  
 Hic eminentis conciliat Tibi  
 Gradus Cathedræ, culmen amabile,  
 Honosq̃ue Doctoralis altos  
 Ecce sinus Tibi destinato  
 In colle pandit. Perge igitur Tuæ  
 Ad dignitatis summa cacumina,  
 Spineta per SENTENTIARVM,  
 Ad roseam properato summi  
 Quietem honoris, deq̃ue Tuis fauos  
 Diu labellis, sparge per Inclytas  
 Urbis coronatæ Cathedras,  
 Flosq̃ue Sacræ, speculumq̃ue suadæ.

SOLI DEO HONOR, ET GLORIA.



